



CANTON SARAJEVO
Cantonal Civil Protection Administration
Operational Center

Broj: 04-40-1-313/21
Sarajevo, 10.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 09.11.2021. do 08:30 sati 10.11.2021. godine

Štaba civilne zaštite Kantona Sarajevo (u daljnjem tekstu: Štab) je dana, 09.11.2021. godine u 11:00 sati održao vanrednu sjednicu, na kojoj su osim članova Štaba bili prisutni predstavnici Općine Ilidža (pom. načelnika za finansije ovlašten za CZ, pom. načelnik za MZ i sekretari MZ Butmir, Otes i Osijek), kao i predstavnici KJKP Vodovod i kanalizacija, KJKP Park, KJKP Rad i JU Zavod za javno zdravstvo Kantona Sarajevo, te pom. načelnika za civilnu zaštitu općina Stari Grad, Centar i Novo Sarajevo. Na sjednici su predstavnici Općine Ilidža, informisali su prisutne da su na području Općine Ilidža poplave prouzrokovali velike štete, da su štete najveće na području MZ Otes, da je do sada ukupno registrovano 208 objekata koja su bila poplavljena i to: 71 objekat u MZ Otes, 43 objekat u MZ Butmir, 14 objekata u MZ Kotorac, 47 objekata u MZ Osijek, 9 objekata u MZ Blažuj i 24 objekta u MZ Vreoca, kao i da se trenutno planski radi na čišćenju i sapiranju ulica i dvorišta i ispuštanju vode iz objekata i čišćenju istih od blata, te da im je potrebno dodatno ljudstvo sa pumpama i sa VOMA-ma, isušivači vlage, gumene čizme i kabanice. Nakon detaljne analize stanja na ugroženim područjima, zaključeno je da se zajednički trebaju poduzeti mjere i aktivnosti na terenu od strane Štaba i općinskih štabova civilne zaštite, kantonalnih i općinskih službi zaštite i spašavanja, povjerenika civilne zaštite u općinama, KJKP, općinskih javnih preduzeća, JU Zavod za javno zdravstvo KS, kako bi se u što kraćem roku pomoglo stanovništvu na područjima koja su bila poplavljena.



Štab je u skladu sa svojim nadležnostima, a u cilju poduzimanja planskih koordiniranih aktivnosti i mjera na otklanjanju posljedica od poplava na ugroženom području na sjednici donio slijedeće naredbe:

- Naredbu kojom se naređuje svim službama zaštite i spašavanja Kantona Sarajevo, da stave na raspolaganje sve svoje snage i sredstva Štabu, koja će se koristiti u poduzimanju mjera i aktivnosti na zaštiti i spašavanju ljudi i materijalnih dobara od poplava na području Kantona Sarajevo, te da će se te snage i sredstva angažovati putem Kantonalnog operativnog centra civilne zaštite, a na osnovu iskazane potrebe koordinatora iz općina na ugroženim područjima;
- Naredbu kojom se naređuje općinskim štabovima civilne zaštite Stari Grad, Centar i Novo Sarajevo da stave na raspolaganje sve svoje snage i sredstva Štabu, koja će se koristiti u poduzimanju mjera i aktivnosti na zaštiti i spašavanju ljudi i materijalnih dobara od poplava na području Kantona Sarajevo, te da će se te snage i sredstva angažovati putem Kantonalnog operativnog centra civilne zaštite, a na osnovu iskazane potrebe koordinatora iz općina na ugroženim područjima;
- Naredbu kojom se naređuje KJKP „RAD“ d.o.o. Sarajevo da stavi na raspolaganje sve svoje snage i sredstva Štabu, koje će se koristiti u poduzimanju mjera i aktivnosti na zaštiti i spašavanju ljudi i materijalnih dobara od poplava na području Kantona Sarajevo, te da će se te snage i sredstva angažovati putem Kantonalnog operativnog centra civilne zaštite, a na osnovu iskazane potrebe koordinatora iz općina na ugroženim područjima;
- Naredbu kojom se naređuje JU Zavod za javno zdravstvo Kantona Sarajevo da svakodnevno vrši kontrolu i ispitivanje kvaliteta vode na lokalnim vodovodima na području Kantona Sarajevo, te da se isti zadužuje da svakodnevno do 18.00 sati dostavi Štabu detaljan izvještaj o provedenim aktivnostima, koji će se putem Kantonalnog operativnog centra civilne zaštite dostavljati općinskim štabovima civilne zaštite, koji se zadužuju da blagovremeno obavještavaju lokalno stanovništvo o rezultatima izvršene kontrole i ispitivanja kvaliteta vode.
- Naredbu kojom se naređuje Direkciji za robne rezerve Kantona Sarajevo da iz svojih rezervi izdvoji i stavi na raspolaganje 10 tona nafte za potrebe Štaba, koje će biti izdvojene za realizaciju mjera i aktivnosti koje će poduzimati KJKP na otklanjanju i saniranju posljedica od poplava na ugroženom području u skladu sa naredbom Štaba.

Svi navedeni izvršioци naredbi zaduženi su da svakodnevno do 18.00 sati dostave Štabu detaljan izvještaj o provedenim aktivnostima na realizaciji naredbi, putem Kantonalnog operativnog centra civilne zaštite.

U skladu sa navedenim naredbama u toku jučerašnjeg dana poduzete su slijedeće mjere i aktivnosti:

- OpSl CZ Centar je poslala tri isušivača na ugrožena područja Općine Novi Grad, dok će njihova služba zaštite i spašavanja formirana u DVD Bjelave danas biti angažovana na ugroženim području;
- OpSl CZ Novo Sarajevo je u dogovoru sa koordinatorom iz Općine Ilidža jutros uputila svoju službu formiranu u DVD Novo Sarajevo u MZ Donji Kotorac;



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

- OpSl CZ Stari Grad je za danas spremila svoju službu formiranu u DVD Vratnik, koje će na osnovu iskazane potrebe iz općina izaći na ugrožena područja;
- Služba zaštite i spašavanja Kanton Sarajevo formirana u KJKP Vodovod i kanalizacija je u toku jučerašnjeg dana na području MZ Otes angažovala dva bagera i dva kamiona sa šest ljudi;
- KJKP Rad na ugroženim područjima općina Ilidža i Novi Grad angažovao šest mašina sa ljudstvom na čišćenju smeća, odvozu kabastog otpada i sapiranjima ulica;
- Služba zaštite i spašavanja Kantona Sarajevo formirana u JU Zavod za javno zdravstvo Kantona Sarajevo dezifikovala je 20 kuća u MZ Butmir, 10 kuća u MZ Kotorac, 7 kuća u MZ Blažuj i 21 kuću u MZ Osjek. Također, se kontinuirano u saradnji sa općinskim preduzećima koja upravljaju lokalnim vodovodima provode mjere i aktivnosti na kontroli i ispravnosti vode za piće iz lokalnih vodovoda;
- U toku dana na osnovu zahtjeva iz općina Vogošća i Novi Grad dodijeljeni su im određene količine paketa s hranom i određeni broj čizama i rukavica iz punkta Ispostave Profesionalne vatrogasne jedinice Kanton Sarajevo Stup;
- Odmah po saznanju da prijeti urušavanje pješačkog mosta na Ilidži Štab je u koordinaciji sa Općinskim štabom CZ Ilidža poduzeo mjere na sprječavanju urušavanja koje će poduzeti u toku današnjeg dana.

Općina Ilidža

U skladu sa zaključcima Općinskog štaba civilne zaštite sa 7. vanredne sjednice, sa dežurnom ekipom, izvršen je obilazak terena na području svih MZ-e, te je izvršen pregled ugroženih područja, te se na osnovu istog može konstatovati da se stanje postepeno normalizuje.

U popodnevrim satima, primjećeno je da pješački most koji povezuje centar Ilidže, preko rijeke Željeznice, skliznuo sa jedne nosive stope te je time ugrožen prolazak pješaka. Most je zatvoren za pješake.

Službe zaštite i spašavanja sa mehanizacijom su nastavile radove na čišćenju i pranju saobraćajnica i dvorišta privatnih kuća, kao i iscrpavanju vode iz stambenih objekata. Formirane su dvije ekipe za tu namjenu. Pravljeni su nasipi na obali rijeke Željeznice i to u ulicama Barska i Sastavci. Povjerenici CZ su vršili punjenje vreća sa pijeskom koje će se upotrijebiti u slučaju potrebe. Vršena je dostava hrane, vode i ostalih potrepština ugroženom stanovništvu.

Zbog nastalih šteta aktivirana je Komisija za procjenu šteta Općine Ilidža.

Organizovani su dežurni timovi, kao i službe sa mehanizacijom koji kontinuirano prate stanje na ugroženim području i preduzimaju neophodne mjere na otklanjanju i saniranju posljedica od poplava.

Općina Novi Grad

U toku jučerašnjeg dana na otklanjanju i saniranju posljedica od poplava bile su angažovane organizovane strukture civilne zaštite Općine Novi Grad i druge i druge općinske službe uprave i



javna preduzeća, koje su sa ljudstvom, opremom i mehanizacijom radili na raščišćavanju i odvozu smeća na područjima koja su bila poplavljena, te dostavi isušivača vlage najugroženijim objektima.

Ekipe Općinske službe civilne zaštite Novi Grad su na terenu, prate situaciju i preduzimati će neophodne mjere na pružanju pomoći stanovništvu na ugroženim područjima.

Općina Vogošća

U protekla 24 sata izvršen je obilazak ugroženog terena i konstatovano je da je stanje znatno bolje u odnosu na prethodni izvještaj. Rijeka Bosna se i dalje povlači na većini lokacija koja su bila poplavljena. Na osnovu stanja na terenu angažovane su strukture civilne zaštite Općine Vogošća na ispumpavanju preostale vode iz podruma, okućnica, saobraćajnica i poslovnih prostora. Po završetku ove aktivnosti pristupa se čišćenju i sapiranjju saobraćajnica koje su bile pod vodom. Veterinarska ambulanta Vogošća provodi mjere dezinfekcije, dezinfekcije i deratizacije na lokalitetima i objektima koji su bili poplavljeni.

Pošto samostalno nismo bili u mogućnosti da izvršimo popravak predajnika radio veze Svrake, pozvali smo nadležni servis koji je veoma kratkom roku izvršio popravku navedenog predajnika.

Dostavljena je informacija RTV Vogošći za građane općine Vogošća koji su pretrpjeli štete usljed poplava da prijave nastale štete u zgradi Općine Vogošća.

Na osnovu dostavljenih informacija upućen je poziv Kantonalnom operativnom centru za preuzimanje i podjelu paketa i čizama. Povjerenici civilne zaštite Vogošća su jučer u popodnevnom satima preuzeli pakete i čizme i danas je predviđena podjela.

U protekla 24 sata primljen je veći broj poziva za pomoć i za procjenu šteta uzrokovanim poplavama. Sve je evidentirano i postupa se u skladu sa mogućnostima.

Organizovane općinske strukture zaštite i spašavanja će i u toku dana nastaviti aktivnosti na saniranju i otklanjanju posljedica od poplava i na pružanju pomoći stanovništvu na ugroženom području.

Općina Ilijaš

Na osnovu Odluke o proglašenju stanja prirodne i druge nesreće na području općine Ilijaš, broj 08/40-2443/21 dana 06.11.2021.god., a u cilju otklanjanja posljedica prirodne nesreće angažovana su slijedeća sredstva ;

- (skip, buldozder, dva kamion), Niskogradnja Durmić d.o.o.
- (skip, kamion) Halilović d.o.o.
- (cisterna i Voma) JKP Vodostan d.o.o.
- (cisterna i pumpa) DVD Vogošća.

Na terenu rade su mašine radile na čišćenju nanosa blata i smeća kod kuća Suša u naselju Donja Luka MZ Luka, Ribarićima, Malešićima, Ljubnićima, pročišćenje putu za Bokšiće i Frgaj. Povjerenici civilne zaštite rade neprestano na ispumpavanju vode iz podvoznjaka u Gornjoj Luci i MZ Srednje.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

Provode se preventivne radnje na klizištu u Ljubničima, te odvodnji sa Apartmanskih naselja u Lješevu, Podlugovima, Mrakovu i Ribarićima.

Općina Trnovo

U skladu sa Odlukom o proglašenju stanja prirodne i druge nesreće poduzete su aktivnosti i mjere na otklanjanju posljedica poplava. Sve kritične tačke su otklonjene. Na sanaciji terena bilo je angažovano 10 građevinskih mašina.

U toku dana nastavit će se aktivnosti na otklanjanju i saniranju posljedica od poplava.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su tri manje intervencije i to dvije na gašenju smeća (u kontejneru i u stambenom objektu) i jednu tehničku intervenciju na sapiranju prostora nakon poplava u krugu kompanije Messer.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 4°C, vlažnost zraka 100%, barometarski pritisak 953 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1